



## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærerentem paternè ...**

**Eisvogel, Veremund**

**Augustae Vindelic., 1727**

XXXVII. Ad Consuetudinarios.

[urn:nbn:de:hbz:466:1-52716](https://nbn-resolving.de/urn:nbn:de:hbz:466:1-52716)

*Instructio meritoria.*

Qui odit animam suam (& corpus) in hoc mundo, in vitam æternam custodit eam, effatum Domini est. A nobis jam ultionem sumamus, carnem spissitui, & spiritum Deo subdamus. Ne caro rebellet, cingamus ciliciis, & humiliemus nocturnō jejuniō. Heu! caro Jesu innocentissima quanta non inter tormenta: & peccatrici parcatur?

## EXHORTATIUNCULA XXXVII.

Ad Consuetudinarios, & in idem peccatum sæpius relabentes.

## I.

Fili! Peccatum satis est! Non adjicias iterum! Miserere Redemptoris! Cessa offendere Iesum! Peccatum quò crebriùs iteratur, eo magis homini dominatur: nec spes tam acceleratæ conversionis, & poenitentia. Serò profectò medicina paratur, dum mala per longas convalevere moras. Evellitur faciliter arbuscula, dum adhuc tenera; si radicata, etiam viri non poterunt robustissimi. Et tu de die in diem emendationem differs? differs: sed in ruinam. Vocavi! Reuisti! Ridebo! Gratiam conversionis negabo. Hæc Christus per me consuetudinario.

*Instructio meritoria.*

Ut tandem agnoscat infelicitatem, & manifesta statûs sui pericula, hodie unam integrum impendat horam precibus, & extraordinariæ pietati, quâ SSS. Trinitati offeret tria sacra Rosaria

cum Psalmo : *Benedic anima mea Domino : & omnia, qua intra me sunt &c.* Quis detrahet æthiopi pellē? Solus Deus. Jam confide Fili! Non erit respectu tui infirmior, aut impotenter.

## II.

**B**One! Nondum audio suspirantem cum pœnitente Augustino. Quamdiu? Quamdiu cras & cras? Quare non modò? Quare non hac horâ finis turpitudinis meæ? Crescunt omni momentō Dei in vos beneficia: & vos magis induramini in vestrâ erga tantum Dominum, Patrem, & Jesum malitiâ! Sed & hoc est beneficiorum maximum, quod vos videam adhuc in vita. Lucifer cecidit semel! Adam semel pomum gustavit vetitum. O Justitiam! Ille expellitur cœlo; hic paradiſo! & manus Domini necdum contra vos armata est? O Bonitas!

*Instructio Meritoria.*

Ne exasperetur furor Domini, non repeta-  
mus occasionem peccandi. Ut pruritus eò per-  
gendi per dexteram Excelsi, & Sanctos ejus,  
oremus Litanias de omnibus Sanctis, promit-  
tendò usque ad proximam confessionem (quæ  
intra 10. vel 14. dies certò reassumenda) nun-  
quam cum impiis nos immiscendi. Scriptum est  
enim: *Qui communicaverit superbo, induet su-  
perbiā.* Uvāque conspecta livorem dicit ab  
uva.

## III.

## III.

**C**hristiane! Quām vilis facta est nimis anima vestra, iterans vias suas. Serve nequam, omne debitum nuper dimisit vobis Deus. Cur malum redditur pro bono; cur peccatum additur peccato? propositum seriæ pœnitentiæ sola firmat in bono constantia. Quid enim lavisse pedes? Quid exuisse tunicam proderit, si ad vomitum redeat homo? Verbum sapientis est: unus ædificans, & unus destruens, quid est nisi labor? Inanis est pœnitentia, quam sequens coquinat culpa. Vulnus iteratum naturatur tardius. Relabens veniam meretur nullam. Nihil enim prosunt lamenta, si replicantur scelera. Væ! væ! væ! vestræ perfidiæ!

*Instructio meritoria.*

Jesum, & hunc Crucifixum inquiramus, & flexis genibūs, brachiisque expansis illius vitam, passionem, & mortem imploremus recitandō  
34. Pater, & Ave; statuamisque seriō quotidie in venerationem quinque vulnerum Jesu quinque Ave manē, & noctu recitare, & id quām fidelissimē. Stabit, pro quo Jesu perorabunt coram Patre aperta Vulnera. Deserantur peccata!  
Agatur pœnitentia!

## EXHORTATIUNCULA XXXVIII.

## Ad Impœnitentes, &amp; Obstinatos.

## I.

**I**Nfelix anima! ergo vita, passio, & mors divini Unigeniti pereant in vobis? Ubi enim nulla pœnitentia, ubi voluntas in malo obstinata,

Ll 3 ta,